



ՀԱՍՏԱՏՈՒՄ ԵՄ՝
Շրջակա միջավայրի նախարար
Հակոբ Սիմիդյան

« 07 » 07 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0088-22

Ձեռնարկողը՝

«Մաունթին վիլիջ» ՍՊԸ

ՀՀ ք.Երևան, Բաղրամյան պողոտա 6

Գործունեությունը՝ Տավուշի մարզի Դիլիջան քաղաքի Գեյրափնյա 7/10 հասցեում նախատեսվող բազմաֆունկցիոնալ բնակելի շենքի կառուցման շրջակա միջավայրի վրա ազդեցության նախնական գնահատման հայտ

ՀՀ Տավուշի մարզ, ք. Դիլիջան, Գեյրափնյա 7/10 հասցե

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

Առդիր՝ 11 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0088-22
<07> 07 2022թ.

**«Մաունթին վիլիջ» ՍՊ ընկերության կողմից ներկայացված, Տավուշի մարզի
Դիլիջան քաղաքի Գետափնյա 7/10 հասցեում նախատեսվող
բազմաֆունկցիոնալ բնակելի շենքի կառուցման շրջակա միջավայրի վրա
ազդեցության նախնական գնահատման հայտ**

Ձեռնարկող՝
Փաստաթղթի տեսակը՝

Գործունեությունը՝
Տեղադրման վայրը՝

«Մաունթին վիլիջ» ՍՊԸ
Շրջակա միջավայրի վրա ազդեցության նախնական
գնահատման հայտ
«Գ» կատեգորիա
ՀՀ Տավուշի մարզ, ք. Դիլիջան
Գետափնյա 7/10 հասցե

Ներածական մաս. «Մաունթին վիլիջ» ՍՊ ընկերությունը /այսուհետ՝ Ընկերություն/
նախատեսում է Տավուշի մարզի Դիլիջան քաղաքի Գետափնյա 7/10 հասցեում կառուցել
բազմաֆունկցիոնալ բնակելի շենք:

Համաձայն «Շրջակա միջավայրի վրա ազդեցության գնահատման և փորձաքննության
մասին» ՀՀ օրենքի 14-րդ հոդվածի, 6-րդ մասի, 7)-րդ կետի, «ա.» ենթակետի՝ ներկայացված
գործունեությունը դասակարգվում է «Գ» կատեգորիայի գործունեության տեսակների ցանկում
և ենթակա է շրջակա միջավայրի վրա ազդեցության փորձաքննության:

Նախատեսվող գործունեության նախագծային աշխատանքների համար հիմք է
հանդիսացել պատվիրատուի հայտը, անշարժ գույքի նկատմամբ իրավունքների պետական
գրանցման վկայականը՝ N 31012022-11-0002 /ծածկագիրը՝ 11-003-0158-0077/, Դիլիջանի
համայնքապետարանի կողմից 08.02.2022թ. տրված N Ա1-06 նախագծման թույլտվությունը
(ճարտարապետահատակագծային առաջադրանք): Հողամասի նպատակային
նշանակությունը՝ բնակավայրերի է, գործառնական նշանակությունը կամ հողատեսքը՝
բնակելի կառուցապատման, գրանցված իրավունքի տեսակը՝ սեփականություն, հողամասի
ընդհանուր մակերեսը կազմում է 0.65689 հա::

Նկարագրական մաս. Նախատեսվող գործունեության կառուցապատման ենթակա
տարածքը գտնվում է Տավուշի մարզի Դիլիջան քաղաքի Գետափնյա 7/10 հասցեում, Դիլիջան-
Վանաձոր ավտոճանապարհի ձախ կողմում, «ԴԻԼԻՋԱՆԻ ՄԻՋԱԶԳԱՅԻՆ ԴՊՐՈՑ» -ի
հարևանությամբ: Հողատարածքը տարածված է Աղստե գետի միջին հոսանքում և
հեռավորությունը Աղստե գետից կազմում է 51մ: Տարածքը աչքի է ընկնում բարդ
երկրաբանական կառուցվածքով և լեռնային բազմաբնույթ ռելիեֆով, որի մոտակայքում այլ
բնակելի կամ արտադրական շենք-շինություններ չկան:

Տեղանքի ռելիեֆի միջին թեքությունը կազմում է 15°÷18°, իսկ բուն նախատեսվող
գործունեության տարածքում այն կազմում է 2°÷8°: Ռելիեֆի բացարձակ նիշերը տատանվում
են 1270÷1360 մետրերի սահմաններում:

Ուսումնասիրված և հարակից տարածքներում հայտնի են տարբեր տեսակի, տարբեր
դինամիկայի և տարբեր քիմիական կազմի ջրեր: Նախկին ուսումնասիրությունների կողմից
կատարված ջրաերկրաբանական աշխատանքների արդյունքների հիման վրա տարածքում
դասակարգված են հետևյալ ջրատար հորիզոնները՝ (1) չորրորդական հասակի
նստվածքներում, (2) նստվածքային և հրաբխանստվածքային ապարներում և վերջական (3)



պալեոգեն-նեոգեն հասակի ինտրուզիվ (ներժայթքային) ապարների հաստվածքում [1-2]: Ինչպես ցույց են տալիս նոր ստացված տվյալները ուսումնասիրված տեղամաս 2-ում հիմնականում առկա են առաջին դասին պատկանող ջրատար հորիզոններ, որոնք ներկայացված են ժամանակակից և չորրորդական նստվածքներով: Մասնավորապես, այդ հորիզոնները առկա են Աղստևի ալուվիալ-պրոլուվիալ նստվածքներում, որոնք ներկայացված են ճալքարա-կոպճային, ավազային և կավավազային ապարներով: Նրանց տեղադրման խորությունը տարածքում տատանվում է 2,5÷4,0մ: Ստորերկրյա ջրերը հանդիպում են տարածքի դելուվիալ-էլուվիալ ապարներում, որոնք տարածված են լանջային տեղամասերում հանդիպում են կավավազային, ավազակավային, ճալքարային գրունտներում: Ջրերը այդ ապարներում ծակոտկեն-շերտային բնույթի են: Որպես ջրամերժ շերտ հիմնականում հանդիսանում է Դիլիջանի շերտախումբը: Առանձին դեպքերում ջրատար հորիզոնները զբաղեցնում են բավականին զգալի տարածքներ: Ջրատար հորիզոնները սնվում են հիմնականում ինֆիլտրացիոն ճանապարհով՝ թույլ տեկտոնական գոտիներով, սողանքային հաստվածքներով և տարբեր լիթոլոգիական կազմի ապարների կոնտակտներով (հպումներով): Ջրատար հորիզոնները տարածքի նստվածքային և հրաբխային-նստվածքային ապարներում բացակայում են:



ներթափանցմանը, ինչպես նաև ջրի պաշարների համալրման և զիգզագաձև ծավալների արդյունքում ստեղծված բակերի լրացուցիչ կանաչ տարածքների համար:

Բազմաֆունկցիոնալ բնակելի շենքի կառուցապատման ընթացքում օգտագործվող շինարարական նյութերը լինելու են աստիճանաբար փոփոխվող՝ հիմքի հատվածը բազալտից մինչև փայտ վերևի մասում, որտեղ այն սահուն անցնում է կանաչապատված հանրային այգու:

Տեղական նյութերի օգտագործումը էական նշանակություն ունի նախագիծը իր ժառանգության անբաժանելի մաս դարձնելու համար՝ միաժամանակ նվազեցնելով շենքի և շինարարական գործընթացների մեջ ածխածնի հետքը:

Կոմպակտ տեռասների և մակարդակների միջև բացօթյա բացվածքների շնորհիվ նախագծի ողջ ընթացքում ձևավորվում են տարբեր ընդհանուր տարածքներ:

Վերևում գտնվող հանրային զբոսայգուց մինչև ներքևում գտնվող ավելի փոքր փոխկապակցված բակային տարածքները կստեղծի ավելի մեծ հանրային տարածքների հյուսվածք ավելի փոքր մասշտաբներով, ինչը կարևոր բաղադրիչ է տարածաշրջանի քաղաքաշինական վերակենդանացման համար:

Նախատեսվող բազմաֆունկցիոնալ բնակելի շենքի կառուցման տեխնիկատնտեսական ցուցանիշները հետևյալն են՝

- Հողամասի ընդհանուր մակերեսը՝ 6568.9 ք.մ,
- Կառուցապատման տարածքի մակերեսը՝ 2627 ք.մ,
- Ասֆալտե ճանապարհ՝ 144 ք.մ,
- Սալվածքներ, մայթեր՝ 479.9 ք.մ,
- Կանաչապատ ճանապարհ՝ 660 ք.մ,
- Գազոն՝ 2658 ք.մ,
- Տանիքների կանաչապատում՝ 1513 ք.մ,
- Ստոգետնյա ավտոկայանատեղիներ՝ 33 ավտոմեքենա,
- Բնակարանների քանակ՝ 33 բնակարան:

Կառուցապատման ենթակա հողատարցքում բացակայում են բնութային հատուկ պահպանվող և պատմամշակութային հուշարձանների տարածքներ:

Տարածքը ունի բարդ ռելիեֆ, կառուցապատված չէ, ինչպես նաև հատակագծային սահմանափակումներ չկան:

Հողային ծածկույթի վրա, որտեղ բուսահողի հզորությունը 0.2-0.5 մ է, տարածված է բազմամյա խոտի տեսքով խառը աճած բուսականություն, մասնավորապես՝ Սեզ սողացող (*E. repens*), Սեզ սանրանմանը (*E. cristatum*), Սեզ մազակիրը (*E. trichophora*), Սեզ միջինը (*E. intermedia*), Սեզ երկարավունը (*E. elongatum*): Ամբողջ հողամասում բուսահողի ծավալը գնահատվել է մոտ 1300 մ³:

Նախատեսվող բազմաֆունկցիոնալ բնակելի շենքի հեռավորությունները՝ մոտակա շենք-շինություններից, «Դիլիջան» ազգային պարկի սահմանից, Աղստև գետից պատկերված է շրջակա միջավայրի վրա ազդեցության նախնական գնահատման հայտում (այսուհետ՝ Հայտ) ներկայացված իրադրության սխեմայում:

Նախագծի շինարարության կազմակերպումը մշակված է ՀՀՇՆ I-3.01.01-2008 «Շինարարական արտադրության կազմակերպման աշխատանքների կատարում» շինարարական նորմերի դրույթներով: Շինարարական աշխատանքների իրականացման ընդհանուր տևողությունը նախատեսված է 19 ամիս:

Շինարարական աշխատանքների իրականացման համար նախատեսում է 2 փուլ՝ նախապատրաստական և հիմնական:

Նախապատրաստական փուլում կատարվում են հետևյալ աշխատանքները.

- Շին. իրապարակի ժամանակավոր ցանկապատում՝ հետիոտն գլխածածկույթով,
- Ժամանակավոր էլեկտրոմատակարարում և ջրամատակարարում,
- Շին. նյութերի և բետոնի ընդունման հարթակների պատրաստում,



ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ
ՔՐԻՄԻՆԱԼ ՊՐՈՑԵՍԻ ԱԶԳԱՅԻՆ
ԴԱԽԻՆ ԳԱՆՁԱԿԱԾՐ

02543163
ՓՈՐՈՋԱՌԱՆԿԱՆ
ԵԶՐԱԿԱՑՈՒՅՈՒՆ
ЗАКЛЮЧЕНИЕ
ЭКСПЕРТИЗЫ
COMMISSION
OF EXPERTS

4

- Ինժեներատեխնիկական անձնակազմ՝ 3 մարդ,
- Արհեստագործներ և բանվորներ՝ 40 մարդ,
- Մեքենավարներ և օգնականներ՝ 8 մարդ:

Շինարարական աշխատանքների ավարտից հետո նախատեսվում է իրականացնել տարածքի բարեկարգում և կանաչապատում, համաձայն՝ Դիլիջանի քաղաքապետարանի կողմից հաստատված տարածքի բարեկարգման, արդիականացման և կանաչապատման» նախագծի:

Կանաչապատումը նախատեսվում է իրականացնել տարածաշրջանին և տեղի կլիմայական պայմանների բնորոշ ծառաթփային բուսականությամբ, որի տեսակային և քանակական կազմը ստորև բերված է՝

- Սոճի՝ 55 հատ,
- Շիմշատ՝ 80 հատ,
- Բողի՝ 4 հատ,
- Լորենի՝ 6 հատ,
- Հացենի՝ 3 հատ,
- Կաղնի՝ 5 հատ,
- Թխսկի՝ 4 հատ,
- Գազոն՝ 2658 ք.մ,
- Կանաչ տանիք՝ 1513 ք.մ:

Նախքան ծառատնկման աշխատանքների սկսելը անհրաժեշտ է կանաչապատվող տարածքում իրականացվելու են հետևյալ ագրոմելիորատիվ միջոցառումները.

- ոռոգման համակարգի անցկացում,
- համաձայն ծառագիտական նախագծի համարակալված ցցափայտերի օգնությամբ ծառերի ու թփերի փոսերի տեղի նշահարում,
- ծառերի համար 1մ խորությամբ և 50սմ լայնության փոսերի պատրաստում ,
- թփերի համար 50-60սմ խորությամբ և 40սմ լայնության փոսերի պատրաստում,
- բոլոր փոսերի մոտ համարժեք ծավալի հողախառնուրդի կուտակում:

Ագրոտեխնիկական միջոցառումների ավարտից հետո նշված տարածքում ծառատունկն իրականացվելու է ուշ աշնանը կամ վաղ գարնանը: Ծառատնկման հաջորդ 3 տարիներին վեգետացիայի ընթացքում 2-3 անգամ իրականացվելու է խնամքի աշխատանքներ:

Նախատեսվում է կազմակերպված ոռոգման ցանց: Ցանցում առկա են կաթիլային ոռոգման հանգույցներ, նաև նախատեսված են ռետինե խողովակներ ամբողջությամբ ոռոգում կազմակերպելու համար: Համաձայն «Քեմի Վենչուրս» ՓԲ ընկերության 01.04.2022թ. գրության՝ ք.Դիլիջան, Գետափնյա 7/10 հասցեում «Մաունթին վիլիջ» ՍՊ ընկերության կողմից նախատեսվող բազմաֆունկցիոնալ բնակելի շենքի կանաչապատ տարածքների ոռոգուման համակարգը կսնվի «Քեմի Վենչուրս» ՓԲ ընկերությանը պատկանող բնակելի շենքերի (ք.Դիլիջան, Գետափնյա 7/5) կանաչ տարածքների ոռոգման համար կառուցված ոռոգման համակարգից /համաձայնագիրը կցվում է Հայտի «Հավելվածներ» բաժնում/: Կանաչապատ տարածքի 1 մ²-ի մեկ ոռոգման համար ջրի ծախսի նորման կազմում է՝ 4-6 լ/մ²: Տեղանքի շոգ կլիմայական պայմանների համար գազոնների ոռոգման առավելագույն արժեքը կազմում է՝ $n_6=0.006$ մ³/մ²: Ոռոգման համար ջրապահանջը կազմում է 8759.1 մ³/տարի:

Բազմաֆունկցիոնալ բնակելի շենքի կառուցման շինարարության ընթացքում օգտագործվելու են տարբեր շինարարական նյութեր՝ երկաթբետոն, սրբատաշ և կոպտատաշ քար, փայտ, մետաղ, ապակի, բարձրորակ սվաղ, երեսապատման բարձրորակ նյութեր, ավազ, ցեմենտ, ներկանյութեր, բետոնյա կոնստրուկցիաներ, մետաղական կոնստրուկցիաներ և այլն:

Բնառեսուրսներից օգտագործվելու է ջուր՝ տարածքների ջրցանի, խորի/գրունտի խոնավացման համար ($225\text{մ}^3/\text{շին.ժամ. կամ } 0.75\text{մ}^3/\text{օր}$) և շինանձնակազմի խմելու և նեցարային կարիքների համար ($616.51\text{մ}^3/\text{շին.ժամ. կամ } 1.248\text{մ}^3/\text{օր}$):



Բազմաֆունկցիոնալ բնակելի շենքի ջրամատակարարումը և ջրահեռացումը նախատեսված է իրականացնել համաձայն «Վեոլիա Ջուր» ՓԲԸ-ի կողմից տրված տեխնիկական պայմանի և 21.03.2022թ. տրված N ՄՇ/6242 գրության, ինչպես նաև գործող նորմերի և կանոնների համաձայն:

Շինարարական աշխատանքների ընթացքում բանվորկան և ԻՏԱ անձնակազմի կոմունալ-կենցաղային կարիքները հոգալու համար շինհրապարակում կտեղադրվեն ժամանակավոր բիոզուգարաններ, որոնք շինաշխատանքների ավարտից հետո կապամոնտաժվեն: Ջրամատակարարումը կիրականացվի գոյություն ունեցող ջրատարից, համաձայն «Վեոլիա Ջուր» ՓԲԸ-ի կողմից տրված տեխնիկական պայմանի, որը միացված է համայնքային ջրամատակարարման ցանցին: Կենցաղային կոյուղու համակարգը միացվելու է քաղաքային կոյուղու համակարգին, միացումը տարածքում գոյություն ունեցող դիտահորին:

Ներքին հեղեղային կոյուղին նախատեսվում է հավաքել պահուստային բաքում և համապատասխան զտումից հետո օգտագործել տարածքի ոռոգման նպատակներով:

Բազմաֆունկցիոնալ բնակելի շենքի էլեկտրամատակարարումը նախատեսված է իրականացնել համաձայն «ՀԷՑ» ՓԲԸ-ի կողմից տրված տեխնիկական պայմանի՝ էլեկտրամատակարարման լարման մակարդակը՝ 0.4 կՎ, պահանջվող հզորությունը՝ 450 կՎԱ:

Բազմաֆունկցիոնալ բնակելի շենքի գազամատակարարումը նախատեսված է իրականացնել ըստ «Գազպրոմ Արմենիա» ՓԲ ընկերության կողմից տրված տեխնիկական պայմանի, ինչպես նաև 30.05.2022թ. տրված N 109 գրության, համաձայն որի՝ բազմաֆունկցիոնալ բնակելի շենքի կաթսայատան գազիֆիկացման նպատակով տրամադրվում է նախատեսվող գազատարի համար միացման կետ գործող գազատարից՝ նախագծա-նախահաշվային փաստաթղթեր պատվիրելու նպատակով: Մինչև գազատարի կառուցման աշխատանքների սկսելը անհրաժեշտ է նախագծերը նախապես համաձայնեցնել Տավուշի գազիֆիկացման և գազամատակարարման մասնաճյուղի Դիլիջանի գազի տեղամասի հետ: Նախատեսվող կաթսայատան գազատարի համար միացման կետում գործող գազատարի տրամագիծը՝ $D=110 \times 13.7$ մմ, անհրաժեշտ քազի քանակը՝ 60 մ³/ժ:

Էներգախնայողության նպատակով շենքում նախատեսված են հետևյալ միջոցառումները.

- Ջերմային կորուստների նվազեցման նպատակով խողովակաշարերի և օդատարների համար կիրառվում են բարձր արդյունավետության ջերմամեկուսիչներ:
- Արտաքին կոնստրուկցիաների ջերմամեկուսացում:
- Օդափոխության համակարգում բարձր արդյունավետությամբ ղեկավարվող ջերմափոխանակիչների կիրառում:

Նախատեսվող բազմաֆունկցիոնալ բնակելի շենքի պահանջվող սանիտարա-հիգիենիկ պայմանները ապահովելու համար նախագծով նախատեսված է օդափոխության մեխանիկական դրդմամբ համակարգեր:

Օդի մատակարարումը և հեռացումը կատարվելու է ռեկուպերացիոն օդի ներածման-արտածման կոմպակտ սարքերի միջոցով որոնք նախատեսված են ամեն բնակարանի համար ու արտածվող օդի հաշվին ներածվող օդի տաքացման հետևանքով ապահովվում է բարձր էներգաարդյունավետություն, որը կարող է հասնել ընդհուպ մինչև 60%-ի:

Էներգաարդյունավետության էլ ավելի բարձրացման և ընդհանուր արդյունավետ աշխատանքի ապահովման համար ողջ օդափոխման համակարգը նախեստեսվում է համալրել ավտոմատ ղեկավարման համակարգով, որի ղեկավարման ալգորիթմը ծրագրավորված է այնպես, որ ստանալով CO₂-ի, խոնավության և հոտերի մասին ինֆորմացիա համապատասխան տվիչներից, համակարգը ինքն է որոշում բնակարանի, որ հատվածում պետք է ինտենսիվացնի օդափոխության համակարգը, իսկ որ մասում նվազեցնի:

Օդափոխության սարքի ինտենսիվ աշխատանքի կարգավորումը կատարվում է նրանում առկա օդանուղների պտուտաթվերի կարգավորմամբ և ամեն սենյակի համար նախատեսված օդատարերում օդի հոսքի կարգավորիչ փականների բացմամբ:



Ջեռուցնան և հովաքման համակարգը նախատեսվում է «Չիլեր-Կաթսա-Ֆանկոյլ» երկխողովականի համակարգ, որն իրենից ենթադրում է որպես ջերմարտադրող սարք ունենալ կաթսա(ներ), իսկ որպես ցրտարտադրող սարք՝ չիլեր, ջերմա-ցրտա հաղորդականությունն էլ ապահովվում է ջերմության և ցրտի սպառիչներով, որոնց տեսակի և տիպի նկատմամբ կա նախընտրություն, որ նախատեսվի ներհատակային օդամխիչով կոնվեկտորներ հնարավորության դեպքում:

Ամեն հարկի միջանցքում նախատեսվելու է ջերմաբաշխիչ հանգույց, որում ըստ նախագծի լինելու է ջերմային հաշվիչները ամեն տան համար, հաշվեկշռային փականները էլ-շարժաբեռով BMS համակարգին միանալու հնարավորությամբ և այլ բաղկացուցիչ մասեր:

Նախատեվսում է ավտոնոմ կցակառույց շինության մեջ կոնդենսացիոն պատի կաթսաներով կաթսայատուն: Կաթսայատանը տեղակայվելու են՝

- Կարգավորման և հսկվածացման վայրեր:
- | Կոնդենսացիոն | տեսակի | կաթսաները | ապահովվելու | են | բարձր |
|---------------------------|--------|-----------|-------------|----|-------|
| Էներգաարդյունավետություն: | | | | | |

Զիլերը նախատեսվում է տեղակայել շենքի ամենախոյլ բացօթյա անկյունում՝ ձայնից խուսափելու համար: Զիլերը նույնպես նախատեսվում է ինվերտորային:

տեսակները և քանակները				
	Անվանումը	Վտանգավորության դասը	Ծածկագիրը ըստ «Թափոնների ցանկի»	Քանակը
1.	Շինարարական աղբ	IV	9120060001004	960 մ ³
2.	Փորման աշխատանքների ընթացքում առաջացած վտանգավոր նյութերով չաղտոտված հող	V	3140110008095	11700 մ ³
3.	Տարածքում առաջացած կենցաղային չտեսակավորված աղբ (բացառությամբ խոշոր եզրաչափերի)	IV	9120040001004	0.8 տ

տեսակները և քանակները				
	Անվանումը	Վտանգավորության դասը	Ծածկագիրը ըստ «Թափոնների ցանկի»	Քանակը
1.	Շինարարական աղբ	IV	9120060001004	960 մ ³
2.	Փորման աշխատանքների ընթացքում առաջացած վտանգավոր նյութերով չաղտոտված հող	V	3140110008095	11700 մ ³
3.	Տարածքում առաջացած կենցաղային չտեսակավորված աղբ (բացառությամբ խոշոր եզրաչափերի)	IV	9120040001004	0.8 տ

Համաձայն Դիլիջանի համայնքապետարանի կողմից 23.06.2022թ. տրված N1209-22 գրության՝ Դիլիջան քաղաքի Գետափնյա 7/10 հասցեում նախատեսվող բազմաֆունկցիոնալ բնակելի շենքի կառուցման ժամանակ առաջացած շինարարական աղբի տեղափոխման վայրը հանդիսանում է Դիլիջանի համայնքային աղբավայրը, որը գտնվում է Հաղարծին գյուղական բնակավայրի վարչական տարածքում:

Բազմաֆունկցիոնալ բնակելի շենքի շահագործման ընթացքում կառաջանա կենցաղային աղբ, որը պայմանագրային հիմունքներով կտեղափոխվի համապատասխան ընկերության կողմից:

Նախատեսվող գործունեության տարածքում կատարվել են սեյսմոշրջանացման աշխատանքներ, որոնց հիման վրա տվյալ տեղամասի սեյսմիկ ֆոնային արժեքը որոշված է 9 բալ (Amax=0.4g): Ինչպես նաև լանջային տեղամասերը, որոնք համեմատաբար կտրուկ թեքված են դեպի Աղստև գետի ժամանակակից հովիտը և որտեղ գրունտային ջրերը տեղակայված են համեմատաբար բարձր նիշերում (մոտ են երկրի մակերեսին), սեյսմիկ տեսանկյունից գնահատվում են 9 բալից բարձր:

Շինարարական հրապարակում նախատեսվում է տեղադրել ժամանակավոր շինություններ՝ պահակակետ, ամրանի և փայտանյութի պահեստ, քարի և սալիկների պահեստ, սորուն նյութերի պահեստ, գրասենյակ, բուժկետ, հանդերձարան, բիոզուգարան, ցնցուղարան, ճաշարան, որոնց տեղադիրքը կհստակեցվի նախագծային աշխատանքների ընթացքում:

Շինարարական մոնտաժային աշխատանքները պետք է կատարել պահպանելով շինարարական նորմաները, կանոնները, ստանդարտները և նախագծի տեխնիկական պայմանները:

Շինարարության իրականացման որակի չափանիշները հսկվում են տեխնիկական հսկողություն իրականացնող մարմնի կողմից, հատկապես ակտավորելով թաքնված աշխատանքների իրականացումը, գրանցելով շինարարության վարման մատյանում:

Շինարարական հրապարակը կազմակերպելիս պետք է ղեկավարվել քաղաքաշինության, տեխնիկական և հրդեհային անվտանգության տեսչական մարմնի կողմից տրված հրահանգների: Շին. հրապարակը կոմպլեկտավորվում է հակահրդեհային ինվենտարով:

Շինարարության ընթացքում անհրաժեշտ է կատարել միջոցառումներ զերծ պահելու շրջակա միջավայրը աղտոտումից, թունավոր արտանետումներից:

Թվարկված աշխատանքների ազդեցությունը նվազեցնելու նպատակով նախատեսված են բնապահպանական միջոցառումներ, որոնք ներառված են բնապահպանական կառավարման պլանում:

Նախատեսված է շրջակա միջավայրի վրա հնարավոր ազդեցությունը և վնասակար ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

- շինարարական աշխատանքներում փոշենստեցման նպատակով նախատեսվում է իրականացնել տարածքի ջրցանում տարվա շոգ և չոր եղանակներին, օրեկան 2-3 անգամ,
- ջրցանի ծավալները հաշվարկվում են այնպես, որ չառաջանան մակերևութային հոսքեր և ջուրը բավականացնի միայն փոշենստեցման համար,
- շինարարական նյութերի (հատկապես սորուն շինարարական նյութերի դեպքում, ինչպիսիք են ավազը, խիճը, հողը և այլն) տեղափոխումը պետք է իրականացվի փակ ծածկով մեքենաներով,
- սորուն նյութերի պահեստները ծածկել համապատասխան բարձրությամբ թաղանթով, իսկ կանխարգելում է փոշու տարածումը,
- շինարարական նյութերը կտեղադրվեն բետոնապատ մակերեսի վրա,



- աշխատանքների ավարտից հետո կմաքրվեն բոլոր տարածքները և առաջացած թափոնները կտեղափոխվեն Դիլիջանի համայնքապետարանի կողմից հատկացված աղբավայր,

- կանաչապատումը իրականացվելու է համաձայն բարեկարգման, արդիականացման և կանաչապատման նախագծի, որը կներկայացվի Դիլիջանի համայնքապետարանի համաձայնեցմանը,

- կանաչապատ տարածքների ոռոգումը նախատեսված է իրականացնել կաթիլային համակարգի միջոցով, ինչպես նաև նախատեսված են ռետինե խողովակներ ամբողջությամբ ոռոգում կազմակերպելու համար: Դիլիջան քաղաքի, Գետափնյա 7/10 հասցեում «Մաունթին վիլիջ» ՍՊ ընկերության կողմից նախատեսվող բազմաֆունկցիոնալ բնակելի շենքի կանաչապատ տարածքների ոռոգումն համակարգը կսնվի «Քեմփ Վենչուրս» ՓԲ ընկերությանը պատկանող բնակելի շենքերի (ք.Դիլիջան, Գետափնյա 7/5) կանաչ տարածքների ոռոգման համար կառուցված ոռոգման համակարգից,

- կիրականացվի շին. տեխնիկայի անվադողերի լվացում շինհրապարակից դուրս գալուց առաջ, ինչից առաջացող շինարարական հոսքաջրերը կուղղորդվեն պարզարան: Պարզարանում կկատարվի մեխանիկական նստեցում, պարզեցված ջուրը կօգտագործվի տարածքի ջրցանման համար, իսկ փոքր քանակներով նստվածքը կհեռացվի որպես շինաղբ,

- շինարարական աշխատանքները և տրանսպորտի տեղաշարժը կկազմակերպվի ցերեկային ժամերին,

- շինարարական աշխատանքներում կներգրավվի ժամանակակից աղմուկի առաջացման ցածր ցուցանիշներ ունեցող տեխնիկական միջոցներ,

- պարբերաար կստուգվի, կկարգաբերվի տեխնիկական միջոցների և ավտոտրանսպորտի շարժիչները, կբացառվի անսարք վիճակում գտնվող մեքենաների օգտագործումը:

Բազմաֆունկցիոնալ բնակելի շենքի շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված հետևյալ մշտադիտարկումները.

1. Մթնոլորտային օդ. կատարվող աղտոտող նյութերի (փոշի, CO, Nox և այլն) արտանետումների որակական և քանակական պարամետրերի պարբերական չափումներ ամիսը մեկ անգամ հաճախականությամբ:

2. Փոշենստեցման նպատակով նախատեսվում է իրականացնել տարածքի ջրցանում տարվա շոգ և չոր եղանակներին, օրեկան 2-3 անգամ:

3. Օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ երեք ամիսը մեկ հաճախականությամբ:

4. Աղմուկի, թրթռումների և տատանումների մշտադիտարկումներ՝ ամիսը մեկ անգամ հաճախականությամբ:

5. Շինարարական աշխատանքների ընթացքում կիրականացվեն մշտադիտարկումներ ուղղված՝ շինհրապարակի որակի, բանվորական հագուստի կուլտուրայի, անվտանգության կանոնների պահպանման:

6. Կանաչապատման աշխատանքներ իրականացնող կազմակերպությունը պետք է հետևողական լինի տնկված ծառերի աճի և խնամքի համար:

Բնապահպանական միջոցառումների համար ամբողջ շինարարության ընթացքում նախատեսվում է հատկացնել 700 հազ. ՀՀ դրամ:

Պարճառաքանական մաս. Նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Տավուշի մարզի Դիլիջանի համայնքապետարանի վարչական շենքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Հայտի վերաբերյալ փորձաքննության գործընթացում ստացվել են կարծիքներ՝ Առողջապահության, Արտակարգ իրավիճակների, Կրթության, գիտության, մշակույթի և սպորտի նախարարություններից, Քաղաքաշինության



Ամփոփելով Հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

1. Բազմաֆունկցիոնալ բնակելի շենքի կառուցման ընթացքում անհրաժեշտ է պահպանել ՀՀ առողջապահության նախարարի 2012 թվականի սեպտեմբերի 19-ի N 15-Ն հրամանով հաստատված «Կազմակերպություններում աշխատողների սանիտարակենցաղային սենքերի» N 2.2.8-003-12 սանիտարական կանոնների և նորմերի պահանջները: Կառուցման ընթացքում անհրաժեշտ է նաև պահպանել ՀՀ քաղաքաշինության նախարարի 2008 թվականի հունվարի 14-ի N 11-Ն հրամանով հաստատված ՀՀՇՆ 1-3.01.01-2008 «Շինարարական արտադրության կազմակերպման աշխատանքների կատարում» շինարարական նորմերի պահանջները:
2. Շինարարության ընթացքում որպես պարտադիր պահանջներ, անհրաժեշտ է՝
 - շինհրապարակի արտաքին տարածքը սահմանազատել ժամանակավոր ցանկապատով, անցկացնել լուսավորություն և տեղադրել արգելափակիչ նշաններ,
 - շինությունները ծածկել համապատասխան բարձրությամբ փոշու տարածումը կանխող ցանցով,
 - շինհրապարակից դուրս եկող մեքենաների անվադողերը լվանալ,
 - բետոնի տեղափոխումն իրականացնել Հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:
3. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Դիլիջանի համայնքապետարանի հետ համաձայնեցված:
4. Տարածքի կանաչապատման աշխատանքներն իրականացնել համաձայն Դիլիջանի համայնքապետարանի կողմից հաստատված կանաչապատման նախագծի, որպես խնամքի պարտադիր միջոցառում ապահովել կանաչ տարածքների ոռոգումը:
5. Շինարարության ընթացքում պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:
6. Նախագծի վերջնական տարբերակում և շինարարական աշխատանքների ընթացքում հաշվի առնել «Վեոլիա Ջուր» ՓԲԸ-ի, «ՀԷՑ» ՓԲԸ-ի և «Գազպրոմ Արմենիա» ՓԲԸ-ի կողմից տրված տեխնիկական պայմանի պահանջները:
7. Նախագծի վերջնական տարբերակում հաշվի առնել ՀՀ կառավարության 12.04.2018թ. N426-Ն «Նոր կառուցվող բնակելի բազմաբնակարան շենքերում, ինչպես նաև պետական միջոցների հաշվին կառուցվող (վերակառուցվող, նորոգվող) օբյեկտներում էներգախնայողության և էներգաարդյունավետության տեխնիկական կանոնակարգը սահմանելու մասին» որոշման պահանջները:
8. ՀՀ կառավարության 2002 թվականի ապրիլի 20-ի «Պատմության և մշակույթի հուշարձանների պետական հաշվառման, ուսումնասիրման, պահպանության, պարմելայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ



պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Մաունթին վիլիջ» ՍՊ ընկերության կողմից ներկայացված, Տավուշի մարզի Դիլիջան քաղաքի Գետափնյա 7/10 հասցեում նախատեսվող բազմաֆունկցիոնալ բնակելի շենքի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի գլխ. մասնագետ՝



Վրեժ Վարդանյան